



QVÆSTIO MEDICA.

CARDINALITIIS DISPUTATIONIBVS

MANE DISCVTIENDA IN SCHOLIS MEDICORVM,

die Iovis, III. mensis Aprilis,

M. PET. DE BEAVRAINS.

DOCTORE MEDICO, MODERATORE.

An Sequana Sanus?



PLAGAM, Clima, Regionem, ac Urbem, summè beant, non æstus exurens, non suffocans squallor, non penuria aquarum, sed innocuum Cælum, sed æquilibrium, moderataque primigeniarum qualitatum horarumque, anni & terræ mixtura, ad fertilitatem omnimodam aptissima: & temperatum Hyemalium & Æstivorum ventorum libramentum, ad Orientem aliquem frons directæ, & amicorum hospita ventorum, habitantium bene habita corpuscula, color floridus, firma capitis sinceritas, inoffensum oculorum lumen limpidus auditus: Aquarum salubritas, non noscenda pondere, mollietie, coctione, sed ex faucibus bibentium puris, nullaque aut rara pulmonum causatione, rariore viscerum dolore, obstructione, & prædicanda si coquendis leguminibus, panibus nata, hypochondria permeet, saporisque expcis, æquè frigoris calorisque prompta susceptrix.

ORBI S compendium Gallia, in qua Lutetia præstantissimorum ferax ingeniorum, triplicem spectat Solis exortum: licèt densissima ædibus, ventis tamen ab Octu & Septentrione omnium saluberrimè spirantibus pervia est, nec montibus intercepta, ab Austro ferme & Occidente ventis averfa: Vnde in tantis luti sæculenti sordibus & halitibus, in tanta hominum undique confluentium frequentia, minimè contumax pestis? Vnde tanta in tanto otio diversissimorum eduliorum ingluvies? Vnde bellicosis Romanis animus superior in incolis non *etiam vivus*, nec *quædam* *paræsis*, & sola Scytharum more, vectione exercitatis, nisi à cælo inter polum & circulum æquinoctialem ferme medio, nisi à solo vberge, nisi à fontium, pluviarum, fluminumque beatissima irrigatione. Sanitatis minimo dispendio aër, magno aqua mutatur, quod ille ynus, hæc varia, quod illius minus, huius plus in potu, obsoniis & panibus insalubriter insulsis, adeoque ponderosioribus haurimus.

A ij

SEQUANA nec alto, nec depresso ad Orientem Hybernum natus loco, Sræcipit Iunnam cancerorum malè ad analepsim destinatorum, parentem, Matronam ab ortu Æstivo defluentem, tandem Bibaram aptum lixandæ crevisiæ & temperandæ: Hæc licèt stranguriam fugacem generet, nec vnquam Tabacum vires ingenii corporisque deterentem, humorumque excitatorem potius quàm diffipatorem admittat. Rex ille Fluviorum iucundissimus aspectu, & potui probatissimus Sequana maximè insolatus, nunquam otiosus suo cursu & percursu exercitatur, triplicem Parisiorum Vrbein ad triplicem Solis exortum sitam saluberrimè illapsus facit sæcundo potu & pinguedine populosissimam, moribus candidam, spiritu turgens aëreo ingentia fert onera, puteisque amplam, ideoque salubrem materiam subministrat: Non fontes Ifiaci, non Bellavilei. non Regniacenses, cæterique aqueductus Australes. Heu malè plumbeis in vniversam Vrbein derivati tubis dysentericis, bonitate aquæ cum Sequana certare audent.

PARISINÆ plenæ licèt sint succi, flos licèt & ocellus reliquarum mulierum, quod tamen gibberæ pleramque partem protuberent, quodd tumidis non pauca sint gravidæ alvis. quodd Diarrhæas habeant hospites, quodd calculi sint prægnantes viri, quodd herniosi pueri, & quodd Rhevmatismi (*raumatisme par le froid*) insolentes, frustra eris si Sequanæ adscripseris: nunquam is Nili instar Crocodilos Tritonasque alit, nunquam præter solitum Tiberis instar deiecit templa & ædes, non vt Garumna stagnat, non Rhodani modo præcipitat aquas, non Araris instar torpet, raro tumet & detumet, qualis Æstate, talis Hyeme, nativo defluit amne. Quis varos valgosque Ægyptiorum pedes, quos simitatem, quis labra prostantia, crispitudinem capillorū nilo adscripserit? Edacitati Diarrhæas, Hernias, Rhevmatismos solâ Phleboto-miâ, non purgatione curandos, concluso ædiu aëri & veneri Arthritides (topici non abigendas) sedentariæ vitæ criminandæ, non innocentissimo Sequanæ, in acceptis referas.

SVBTERRANEA, lacustris, lutosa, paludosa, stagnans longum vale Saqua, quæ venenato potu homines enecas; vos fontanæ, puteales, plu-viales omnes raucosissimæ: vos cisternis collectæ insectorum & putredinis parentes, cæteræque aquæ Æstate calidæ, Hyeme frigidæ: Glaciales, & nivales strumatum authores, & in longam diem morbos infem-inantes procul abeste. Sequana licèt non ad ortum fluat, non averfus à Sole, non montibus interclusus, nec sylvis tenebricosis umbrosus, non luto sordidus, sed sabulo lapillisque strato alveo depuratio, limum si quem contrahit, vel in medio alvei, vel fistilibus depositurus, non asservandus æneis ligneisque vasculis magno Parisiorum detrimento. Sed quid deductis aliunde aquis vitmur? certas amittimus, dum incertas quærimus. Vnde vnde venieris Sequana, celebretur in omne volubilis ævum.

Ergo Sequana sanus.

Proponebat Lutetiæ, PETRVS LE CONTE, Bajocensis,
Anno R. S. H. M. DC. XXXI.

cette thèse est la 763^e du tome V in folio.